

Morning Dogri (NSD) National News Bulletin 23-01-2025

आकाशवाणी

- महाराष्ट्र सरकार नै दावोस च विश्व आर्थिक मंच दी सलाना बैठक दरान 15 लक्ख 70 ज्हार करोड़ रपे दे 54 सैहमति पत्रें उप्पर दस्तखत कीते।
- नेता जी सुभाष चन्द्र बोस हुंदी 128 मी जयंति दे मौके उप्पर अज्ज पराक्रम दिवस 2025 मनाया जा'रदा ऐ।
- सीबीआई नै आर.जी.कार मैडिकल कालेज दुष्कर्म ते हत्या मामले च दोषी संजय राय खलाफ फसंयी दी सजा दी मंग कीती ऐ।
- कल महाराष्ट्र दे जलगांव जिले च पुष्पक एक्सप्रेस दे यात्री कर्नाटक एक्सप्रेस कन्नै टकराने कन्नै 12 लोकें दी मौत होई गई।
- ईपीएफओ दे सदस्ये दी गिनतरी च पिछले ब'रे नवम्बर च 14 लक्ख 63 ज्हार सदस्ये'द। बाद्धा होआ ऐ।
- क्रिकेट च भारत नै पैहले टी-20 च इंग्लैंड गी हराई दित्ता।

<><><><><><>

Maharashtra

महाराष्ट्र सरकार नै स्विटजरलैंड दे दावोस च विश्व आर्थिक मंच दी सलाना बैठक दरान 15 लक्ख 70 ज्हार करोड़ रपे दे 54 सैहमति पत्रें पर दस्तखत कीते न। इनें समझौते थमां बक्ख-बक्ख क्षेत्रें च रोजगार दे लगभग 16 ज्हार मोके पैदा होने दी संभावना ऐ। इंदे चा इक समझौता एमएसएन हॉलीडे लिमिटेड कन्नै जुड़े दा ऐ जेहड़ा लीथियम बैटरी परियोजना आस्तै ऐ। इक होर प्रमुख समझौता रिलायंस समूह कन्नै होआ ऐ जेहड़ा ग्रीन हाईड्रोजन डेटा सेंटर ते जैव ऊर्जा सनें होरने क्षेत्रें आस्तै ऐ महाराष्ट्र दे मुख्यमंत्री देवेन्द्र फडणविस होरें आखेआ ऐ जे राज्य सरकार दा मकसद प्रदेश दी अर्थबवस्था गी इक खरब डॉलर दा बनाने दा ऐ। दावोस च 24 जनवरी तगर चलने आले इस सम्मेलन च 8 राज्य-केरल, तेलंगाना, उत्तर प्रदेश, आंध्रप्रदेश, महाराष्ट्र, तमिलनाडू, कर्नाटक ते पच्छिम बंगाल निवेश जुटाने दे जतन करा'रदे न। इस सम्मेलन च 5 केन्द्रीय मंत्रिं, त्रै मुख्य मंत्रिं ते लगभग सौ कंपनिं दे मुख कार्यकारी अधिकारी हिस्सा लै'रदे न।

<><><><><><>

Prakram Diwas

नेता जी सुभाष चंद्र बोस हुंदे सम्मान च अज्ज उंदी 128मीं बरे दे मौके उपर देसै च पराक्रम दिवस मनाया जा करदा ऐ। अज्ज पराक्रम दिवस ऐ। एह दिन नेताजी सुभाष चंद्र बोस दी जयंती दे मौके पर मनाया जन्दा ऐ। इस मौके पर संस्कृति मंत्रालय ओडिशा च कटक च 3 दिन दा समारोह आयोजित करा र दा ऐ। कटक नेताजी दी हुन्दी जन्मस्थली ऐ। प्रधानमंत्री नरेन्द्र मोदी होरें हाल च गै मन की बात कार्यक्रम च नेताजी सुभाष चंद्र बोस हुन्दे योगदान गी चेता कीता हा। उने सुभाष बाबू होरें गी इक दूरदर्शी नेता दस्सदे होई आक्खेआ हा जे ओह स्वभाव सोयां गै साहसी हे। श्री मोदी होरें युवाएं सोयां अपील कीती जे ओह नेताजी हुन्दे बारे च मता थवा मता पढन ते उनदे जीवन सोयां प्रेरणा लेंन। कटक च पराक्रम दिवस आयोजन दा उद्घाटन मुख्यमंत्री मोहन चरण मांझी होर करडन।

<><><><><><>

West Bangal

केन्द्रीय अन्वेषण ब्यूरो सीबीआई नै आर.जी.कर मैडिकल कालेज दुष्कर्म ते हत्या च दोषी संजय राय खलाफ फांसी दी सजा दी मंग करेदे होई कोलकाता उच्च न्यायलय च अपील दायर कीती ऐ। कोलकाता दे सियालदह दी इक सत्र बदालत नै सोमवार गी मुख् अरोपी संजय राय गी उमर कैद दी सजा सुनाई ऐ।

<><><><><><>

Jalgaon Accident

महाराष्ट्र च कल संजा जलगांव जिले च होए दे रेल हादसे च 12 लोकें दी मौत होई गई, इंदे च त्रै महिला ते 10 बरे दा इक बच्चा शामिल ऐ। इस हादसे च केइं होर घायल होइ गे न। एह हादसा उसलै होआ जिसलै पुष्पक एक्सप्रेस दे यात्री कर्नाटक एक्सप्रेस कन्नै टकराए। जलगांव दे एसपी होरें दस्सेआ ऐ जे इस हादसे च 14 लोक घायल होए न। हालांके उंदे चा कुसै दी बी हालत गंभीर नेइं ऐ। महाराष्ट्र दे मुख्मंत्री देवेन्द्र फडणविस होरें इस घटना पर दुख जाहर करदे होई मारे गेदे लोकें दे परोआर लेई 5-5 लक्ख रपे दी सिद्दी सहायता देने ते घायलें दा मुफ्त इलाज करोआने दी घोषण कीती ऐ।

<><><><><><>

Condolence Jalgaon

राष्ट्रपति द्रौपदी मुर्मू, प्रधानमंत्री नरेन्द्र मोदही, केन्द्रीय गृहमंत्री अमित शाह ते रेल मंत्री अश्विनी वैष्णव होरें सौगी परोआरें प्रति अपनियां संवेदना जाह्र कीतियां न ते घायलें दे तोले नरोए होने दी कामना कीती। राष्ट्रपति मुर्मू होरें मारे गेदे लोकें दे परोआरें प्रति संवेदना जाह्र कीती ते घायलें दे तोले नरोए होने दी कामना कीती। प्रधानमंत्री मोदी होरें इस हादसे पर डूंहगा दुख ते बसोस जाह्र कीता।

<><><><><><>

Railway Minister

केन्द्रीय रेल मंत्री अश्विनी वैष्णव होरें दावोस च विश्व आर्थिक मंत्र 2025 यानि वर्ल्ड इकनामिक फोरम 2025 च जाने शा पैहले स्विस फैंड्रल रेलवे दे प्रतिनिधिमंडल कन्नै मलाटी कीती। इस दरान उनें सुरक्षा तकनीकें ते रख रखाव सरबन्धी बारे विस्तृत चर्चा कीती। इस मौके उपपर बोलदे होई वैष्णव होरें आखेआ जे प्रधानमंत्री नरेन्द्र मोदी होरें सरकार गी म्हेशां थमां गै अपने जतनें गी वैश्विक तरीके दे कन्नै बैचमार्क करने लेई मार्गदर्शन कीता ऐ।

<><><><><><>

Digital Economy

भारत दी डिजीटल अर्थबवस्था 2030 तगर सकल घरेलू उत्पाद च 20 फीसद दा योगदान करोग। इलैक्ट्रॉनिक्स ते सूचना प्रौद्योगिकी मंत्रालय आस्सेआ जारी “भारत दी डिजीटल अर्थबवस्था दा आकलन ते मापन” नां दी इक व्यापक रिपोर्ट च इस गल्ला पर लोह पाई गई ऐ। मंत्रालय नै आखेआ ऐ जे एह रिपोर्ट देशै आस्तै संसाधने गी व्यवस्थित करने ते सेई ते लोडचदी विकास रणनीतिएं गी अपनाने च मदद करी सकदी ऐ।

<><><><><><>

EPFO

कर्मचारी भविष्य निधि संगठन ईपीएफओ दे सदस्येंदी गिनतरी च पिछले ब8रे नवम्बर च 14 लख 63 जहार सदस्येंद । बाद्धा होआ ऐ। इंदे च 18 थमां 25 ब'रे तगर दे नमें सदस्यें दी गिनतरी चार लख 81 जहार ऐ।

नमें सदस्ये च महिलाएं दी गिनतरी लगभग दो लक्ख 40 ज्हार ऐ। रम ते रोजगार मंत्रालय मूजब एह बाद्धा रोजगार दे मौके च बाद्धे ते संगठन दे आउटरीच कार्यक्रम दी सफलता करी होआ ऐ।

<><><><><><>

GI Tag

केन्द्रीय उद्योग ते बपार मंत्री पीयूष गोयल होरें नमीं दिल्ली च जीआई समागम च ब8रे 2030 तगर 10 ज्हार भौगोलिक संकेत टैग तगर पजाने दा लक्ष्य रखेआ ऐ। अपने संबोधन च श्री गोयल होरें आखेआ ऐ जे एह लक्ष्य समग्र सरकारी दृष्टिकोण थमां हासल कीता जाग ते सरकार एहदी निगरानी आस्तै इक समिति दा गठन करोग। श्री गोयल होरें प्रधानमंत्री हुंदे लगातार जतनें पर बी लाह पाई।

<><><><><><>

Cricket

क्रिकेट च कल रातीं कोलकाता दे ईटन गार्डन च 5एं मैचें दी श्रृंखला दे पैहले टी-20 मैच च भारत नै इंग्लैंड गी 7एं विकेटें कन्नै हराई दित्ता। पैहने बज्जेबाजी करदे होई इंग्लैंड नै 132 रंज बनाए। 133 रंजें दा पिच्छा करदे होई भारत नै सिर्फ 12.5 ओवरें च एह लक्ष्य हासल करी लेआ। अभिषेक शर्मा होरें बल्लेबाजी करदे होई शानदार पारी खेड़डी ते 34 गेदें च 79 रंज बनाए।

<><><><><><>